



აჭარის ავტონომიური რესპუბლიკის უმაღლესი
საბჭოს ბიუროს გადაწყვეტილება სამართლებრივი
აქტის პროექტის განხილვის პროცედურის დაწყების
შესახებ

ოქმი 16

16 ივლისი 2020 წელი

აჭარის ავტონომიური რესპუბლიკის კანონის პროექტი - „აჭარის ავტონომიური რესპუბლიკის საბიუჯეტო პროცესისა და უფლებამოსილების შესახებ“ აჭარის ავტონომიური რესპუბლიკის კანონში ცვლილებებისა და დამატებების შეტანის თაობაზე“ (09-01-08/93 16.06.2020 წელი)

დასახელება

ფრაქცია „ერთიანი ნაციონალური მოძრაობის“ წევრები: ე. ბაგრატიონი, გია აბულაძე, ა. დიასამიძე, გ. დიასამიძე

ავტორი

ფრაქცია „ერთიანი ნაციონალური მოძრაობა“

ინიციატორი

საფინანსო-საბიუჯეტო და ეკონომიკურ საკითხთა კომიტეტი

წამყვანი კომიტეტი

16.06.2020 წელი

უმაღლესი საბჭოსთვის წარდგენის თარიღი

წამყვანი კომიტეტი: 19.09.2020-მდე
სხვა კომიტეტები: 15.09.2020-მდე

კომიტეტის სხდომაზე განხილვის
სავარაუდო თარიღი

სხდომაზე განხილვის სავარაუდო
თარიღი

კომიტეტები, რომელთა დასკვნები სავალდებულოა

უმაღლესი საბჭოს ბიურო ადგენს:

უმაღლესი საბჭოს კომიტეტებსა და ფრაქციებში დაიწყოს სამართლებრივი აქტის პროექტის განხილვა.

აჭარის ავტონომიური რესპუბლიკის
უმაღლესი საბჭოს თავმჯდომარე

დავით გაბაიძე



საქართველო აჭარის ავტონომიური რესპუბლიკის უმაღლესი საბჭოს აპარატი

ტელ: +995 (0) 32 228 54 48, ელ.ფოსტა contact@sca.ge, ბათუმი, ლუკა ასათიანის 37

01/07/2020
N 1098

1098-09-02-11-3-202007011039



აჭარის ავტონომიური რესპუბლიკის უმაღლესი
საბჭოს აპარატის საორგანიზაციო და
საქმისწარმოების დეპარტამენტის
უფროსს ბატონ გიორგი ბერიძეს

დასკვნა

„აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონში ცვლილებებისა და დამატებების შეტანის თაობაზე“ აჭარის ავტონომიური რესპუბლიკის კანონის პროექტის შესახებ
(N09-01-08/93, 16.06.2020 წ. ინიციატორი: უმაღლესი საბჭოს ფრაქცია „ერთიანი ნაციონალური მოძრაობა“)

აჭარის ავტონომიური რესპუბლიკის უმაღლესი საბჭოს რეგლამენტის 85-ე მუხლის პირველი პუნქტის „ბ“ ქვეპუნქტისა და 86-ე მუხლის მე-5 პუნქტის შესაბამისად, აჭარის ავტონომიური რესპუბლიკის უმაღლესი საბჭოს აპარატის იურიდიული და ადამიანური რესურსების მართვის დეპარტამენტის მიერ განხილულ იქნა „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონში ცვლილებებისა და დამატებების შეტანის თაობაზე“ აჭარის ავტონომიური რესპუბლიკის კანონის პროექტი.

წარმოდგენილი კანონის პროექტი შეესაბამება „აჭარის ავტონომიური რესპუბლიკის ნორმატიული აქტების შესახებ“ აჭარის ავტონომიური რესპუბლიკის კანონის მე-18 მუხლით გათვალისწინებულ მოთხოვნებს.

პატივისცემით,

ვაჟა ცეცხლაძე

დეპარტამენტის უფროსი

იურიდიული და ადამიანური რესურსების მართვის დეპარტამენტი

აჭარის ავტონომიური რესპუბლიკის
უმაღლესი საბჭოს საორგანიზაციო და
საქმისწარმოების დეპარტამენტის უფროსს
ბატონ გიორგი ბერიძეს


ბატონო გიორგი,

წარმოგიდგენთ განსახილველად „აჭარის ავტონომიური რესპუბლიკის საბიუჯეტო პროცესისა და უფლებამოსილების შესახებ“ აჭარის ავტონომიური რესპუბლიკის კანონში ცვლილებისა და დამატების შეტანის შესახებ კანონპროექტს.

გთხოვთ დაიწყოს უმაღლესი საბჭოს მიერ ზემოაღნიშნული კანონპროექტის განხილვა.

უმაღლესი საბჭოს წევრები:

1. ელგუჯა ბაგრატიონი
2. გია აბულაძე
3. ასმათ დიასამიძე
4. გიორგი დიასამიძე



აჭარის ავტონომიური რესპუბლიკის კანონი

„აჭარის ავტონომიური რესპუბლიკის საბიუჯეტო პროცესისა და უფლებამოსილების შესახებ“
აჭარის ავტონომიური რესპუბლიკის კანონში ცვლილებებისა და დამატებების შეტანის თაობაზე

მუხლი 1. „აჭარის ავტონომიური რესპუბლიკის საბიუჯეტო პროცესისა და უფლებამოსილების შესახებ“ (01.04.2010წ , N76-უ.ს.რ.ს.) შეტანილ იქნეს შემდეგი ცვლილებები და დამატებები:

მე-9 მუხლი ჩამოყალიბდეს შემდეგი რედაქციით:

მუხლი 9. ბიუჯეტის გამჭვირვალობა

რესპუბლიკური ბიუჯეტის პროექტის მომზადების უმაღლეს საბჭოში განხილვის პროცედურების საჯაროობა საზოგადოებისა და მასობრივი ინფორმაციის საშუალებებისათვის, დამტკიცებული ბიუჯეტისა და მისი შესრულების შესახებ წლიური ანგარიშის გამოქვეყნება, რესპუბლიკური ბიუჯეტის კანონის პროექტის შესახებ ინფორმაციის ხელმისაწვდომობა ნებისმიერი ფიზიკური და იურიდიული პირისათვის უზრუნველყოფილია ავტონომიური რესპუბლიკის ხელისუფლების მიერ.

24-ე მუხლს დაემატოს მე-4 პუნქტი:

4. აჭარის ავტონომიური რესპუბლიკის მთავრობა ნორმატიული აქტით ამტკიცებს აჭარის ავტონომიური რესპუბლიკის ბიუჯეტიდან თვითმმართველობებზე ფინანსური დახმარების გადაცემის, მიზნობრივად გამოყენების მონიტორინგისა და დაფინანსების ფარგლებში ანგარიშვალდებულების წესს.

25-ე მუხლს დაემატოს მე-5, მე-6 და მე-7 პუნქტები


5. აჭარის ავტონომიური რესპუბლიკის ფინანსთა და ეკონომიკის სამინისტრო იხილავს საბიუჯეტო განაცხადებს ავტონომიური რესპუბლიკის რესპუბლიკური ბიუჯეტის პროექტის ძირითად პარამეტრებს შესაბამის დარგობრივ სამინისტროებთან ერთად და მოსახლეობას წარუდგენს არაუგვიანეს 5 ოქტომბრისა.

6. ბიუჯეტის პროექტის განხილვაში მოსახლეობისათვის ჩართულობის მიზნით აჭარის ავტონომიური რესპუბლიკის ფინანსთა და ეკონომიკის სამინისტრო უზრუნველყოფს განხილვების ორგანიზებას ყველა მუნიციპალიტეტში, რისთვისაც შეხვედრების თარიღის, დროსა და ადგილის შესახებ ინფორმაციას აქვეყნებს ვებგვერდზე მოსახლეობისა და მასობრივი ინფორმაციის საშუალებებისათვის არაუგვიანეს 5 დღით ადრე. საგანგებო მდგომარეობის გამოცხადების შემთხვევაში დაწესებული შეზღუდვების გამო, თუ შეუძლებელია მოსახლეობასთან შეხვედრა, აჭარის ავტონომიური რესპუბლიკის ფინანსთა და ეკონომიკის სამინისტრო სოციალური ქსელების გამოყენებით უზრუნველყოფს თითოეულ მუნიციპალიტეტის მოსახლეობასთან ონლაინ ჩართვას და ბიუჯეტის პროექტის განხილვას, რისთვისაც სოციალური ქსელის მეშვეობით ჩართვის თარიღისა და დროს შესახებ ინფორმაციას აქვეყნებს ვებგვერდზე მოსახლეობისა და მასობრივი ინფორმაციის საშუალებებისათვის, არაუგვიანეს 5 დღით ადრე.

7. ბიუჯეტის პროექტის განხილვისას მოსახლეობის მიერ გამოთქმული შენიშვნები და წინადადებები აისახება ოქმში, რომელიც უნდა დაერთოს აჭარის ავტონომიური რესპუბლიკის უმაღლეს საბჭოში წარდგენილ ბიუჯეტის პროექტს, ასევე კანონპროექტის განმარტებით ბარათში უნდა აისახოს გამოთქმული შენიშვნები და წინადადებები გათვალისწინებული იქნა თუ არა ბიუჯეტში.

27-ე მუხლის მე-4 პუნქტს დაემატოს „ვ“ ქვეპუნქტი

ვ) ამ კანონის 25-ე მუხლის მე-5 პუნქტით გათვალისწინებული ბიუჯეტის პროექტის განხილვისას მოსახლეობის მიერ გამოთქმული შენიშვნებისა და წინადადებების შესახებ ინფორმაცია;

ს.    

39-ე მუხლის მე-3 პუნქტის „ზ“ ქვეპუნქტი ჩამოყალიბდეს შემდეგი რედაქციით:

ზ) წლიური ბიუჯეტით დასახული პრიორიტეტების ფარგლებში მხარჯავი დაწესებულებების მიერ განხორციელებული პროგრამების/ ქვეპროგრამების აღწერას და მიღწეულ შედეგებს, პროგრამის შეფასების ინდიკატორებისა და გაზომვადი პარამეტრების მიხედვით;

39-ე მუხლის მე-3 პუნქტს დაემატოს „ი“ ქვეპუნქტი

„ი“ ადგილობრივ თვითმმართველობაზე გადაცემული ფინანსური დახმარებებით განხორციელებული პროექტებისა და პროგრამების აღწერას და მიღწეულ შედეგებს პროგრამის შეფასების ინდიკატორებისა და გაზომვადი პარამეტრების მიხედვით.

მუხლი 2. ამ კანონის ამოქმედებიდან ორი თვის ვადაში აჭარის ავტონომიური რესპუბლიკის მთავრობამ შეიმუშავოს და დაამტკიცოს აჭარის ავტონომიური რესპუბლიკის ბიუჯეტიდან თვითმმართველობებზე ფინანსური დახმარების გადაცემის, მიზნობრივად გამოყენების მონიტორინგისა და დაფინანსების ფარგლებში ანგარიშვალდებულების წესი.

მუხლი 3. ეს კანონი ამოქმედდეს ხელმოწერისთანავე.

აჭარის ავტონომიური რესპუბლიკის
მთავრობის თავმჯდომარე
ბათუმი,
2020 წლის
№

თორნიკე რიჟვაძე


უმაღლესი საბჭოს წევრები:

1. ელგუჯა ბაგრატიონი

2. გია აბულაძე

3. ასმათ დიასამიძე

4. გიორგი დიასამიძე



მოქმედი რედაქცია

აჭარის ავტონომიური რესპუბლიკის კ ა ნ ი აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ

მუხლი 9. ბიუჯეტის გამჭვირვალობა რესპუბლიკური ბიუჯეტის პროექტის უმაღლეს საბჭოში განხილვის პროცედურების საჯაროობა საზოგადოებისა და მასობრივი ინფორმაციის საშუალებებისათვის, დამტკიცებული ბიუჯეტისა და მისი შესრულების შესახებ წლიური ანგარიშის გამოქვეყნება, რესპუბლიკური ბიუჯეტის კანონის პროექტის შესახებ ინფორმაციის ხელმისაწვდომობა ნებისმიერი ფიზიკური და იურიდიული პირისათვის უზრუნველყოფილია ავტონომიური რესპუბლიკის ხელისუფლების მიერ.

მუხლი 24. ფინანსური დახმარების განაცხადის მომზადებისა და წარდგენის ვადები

1. დასაგეგმი საბიუჯეტო წლისათვის სახელმწიფო ბიუჯეტიდან ფინანსური დახმარების მიღების საჭიროებისას ავტონომიური რესპუბლიკის მთავრობა, არა უგვიანეს 15 ივნისისა, საქართველოს ფინანსთა სამინისტროს წარუდგენს ძირითად მონაცემებს ფინანსური დახმარების მოცულობის განსასაზღვრავად.

2. საქართველოს ფინანსთა სამინისტრო ავტონომიური რესპუბლიკის მთავრობას დასაგეგმი საბიუჯეტო წლის ძირითად საბიუჯეტო პარამეტრებს აცნობებს მიმდინარე წლის 15 ივლისამდე, ხოლო ინფორმაციას სახელმწიფო ბიუჯეტიდან ავტონომიური რესპუბლიკის რესპუბლიკური ბიუჯეტისათვის ფინანსური დახმარების გამოყოფის შესახებ – არა უგვიანეს 5 ოქტომბრისა.

3. ავტონომიური რესპუბლიკის შემადგენლობაში შემავალი ადგილობრივი თვითმმართველი ერთეულის აღმასრულებელი ორგანო არაუგვიანეს 10 ოქტომბრისა საჭიროების შემთხვევაში წარუდგენს აჭარის ავტონომიური რესპუბლიკის ფინანსთა და ეკონომიკის სამინისტროს რესპუბლიკური ბიუჯეტიდან მისაღები ფინანსური დახმარების საპროგნოზო მოცულობის განსაზღვრისათვის მონაცემებს. (27.02.2013 N 35-უ.ს.რ.ს.) მუხლი

25. მხარჯავი დაწესებულებების მიერ საბიუჯეტო განაცხადების წარდგენა

1. მხარჯავი დაწესებულებების ხელმძღვანელები ავტონომიური რესპუბლიკის ფინანსთა და ეკონომიკის სამინისტროს საბიუჯეტო განაცხადებს წარუდგენენ არა უგვიანეს 25 აგვისტოს. საბიუჯეტო განაცხადი უნდა შეიცავდეს არანაკლებ შემდეგ ინფორმაციას: (15.12.2011 N 149-უ.ს.შ.ს.) ა) გასული, მიმდინარე და დასაგეგმი საბიუჯეტო წლებისათვის;

ა.ა) მხარჯავი დაწესებულებებისათვის გათვალისწინებული ასიგნებების გაანგარიშებას საბიუჯეტო კლასიფიკაციის (გარდა პროგრამული კლასიფიკაციისა) ყველაზე დაბალი თანრიგის მიხედვით;

ა.ბ) მხარჯავი დაწესებულებებისათვის გათვალისწინებული ასიგნებების გაანგარიშებას პროგრამული კლასიფიკაციის მიხედვით;

ა.გ) მხარჯავი დაწესებულებისათვის დამტკიცებულ და საპროგნოზო დასაქმებულთა რიცხოვნობას; ა.დ) ინფორმაციას დონორების მიერ დაფინანსებული პროექტებისა და ამ პროექტების თანადაფინანსებისა და თანამონაწილეობისათვის გათვალისწინებული ასიგნებების შესახებ;

ა.ე) ინფორმაციას ამ კანონის მე-2 მუხლის „ბ1“ და „ბ2“ ქვეპუნქტებით გათვალისწინებული საჯარო ამაღრიდიული პირის/არასამეწარმეო (არაკომერციული) იურიდიული პირის მიერ საქართველოს კანონმდებლობით ნებადართული ნებისმიერი წყაროდან მისაღები შემოსულობების, ამ წყაროებიდან გასაწევი გადასახდელების და ნაშთის ცვლილების შესახებ. (14.05.2015 N127-უ.ს.რ.ს.)

ბ) დასაგეგმი საბიუჯეტო წლისათვის და დასაგეგმისშემდგომი სამი საბიუჯეტო წლისათვის მხარჯავი დაწესებულებისათვის გათვალისწინებული ასიგნებებიდან განსახორციელებელ პროგრამებსა და ქვეპროგრამებს, მათ დაფინანსებას, აღწერას, მიზნებს, მოსალოდნელ შედეგებს და მათი შესრულების შეფასების ინდიკატორებს;

გ) ინფორმაციას კაპიტალური პროექტების შესახებ.

11. ამ მუხლის პირველი პუნქტის „ა.ე“ ქვეპუნქტით გათვალისწინებულ ინფორმაციას ამ კანონით საბიუჯეტო განაცხადის წარდგენისათვის გათვალისწინებულ ვადაში წარადგენენ ამ კანონის 23-ე მუხლის მე-3 პუნქტით გათვალისწინებული საბიუჯეტო ორგანიზაციები. (14.05.2015 N127-უ.ს.რ.ს.)

2. მხარჯავი დაწესებულების მიერ ამ კანონის 21-ე მუხლის მე-5 პუნქტის „გ.გ“ და „დ“ ქვეპუნქტებით გათვალისწინებული ზღვრული მოცულობების ზევით (ასეთის არსებობის შემთხვევაში) საბიუჯეტო განაცხადის წარდგენა დასაშვებია მხოლოდ საბიუჯეტო განაცხადით გათვალისწინებული ფორმით. 3. თუ საბიუჯეტო განაცხადში ასახული ინფორმაცია განსხვავებული იქნება ამ კანონის 21-ე მუხლის მე-5 პუნქტის „გ.ბ“, „გ.გ“ და „დ“ ქვეპუნქტებით გათვალისწინებული ინფორმაციისაგან, მხარჯავმა დაწესებულებამ, საბიუჯეტო განაცხადთან ერთად, ავტონომიური რესპუბლიკის ფინანსთა და ეკონომიკის სამინისტროში უნდა წარადგინოს ინფორმაცია ამ განსხვავებების მიზეზების შესახებ.

4. საერთო-რესპუბლიკური მნიშვნელობის გადასახდელებისათვის გათვალისწინებული ასიგნებების ასახვას რესპუბლიკური ბიუჯეტის პროექტში უზრუნველყოფს ავტონომიური რესპუბლიკის ფინანსთა და ეკონომიკის სამინისტრო

მუხლი 27. რესპუბლიკური ბიუჯეტის კანონის პროექტის წარდგენა

1. ავტონომიური რესპუბლიკის მთავრობის თავმჯდომარე, არა უგვიანეს 1 ნოემბრისა, წარუდგენს ავტონომიური რესპუბლიკის უმაღლეს საბჭოს ავტონომიური რესპუბლიკის რესპუბლიკური ბიუჯეტის კანონის პროექტს თანდართულ მასალებთან ერთად.

2. ავტონომიური რესპუბლიკის რესპუბლიკური ბიუჯეტის კანონის პროექტთან ერთად, ავტონომიური რესპუბლიკის უმაღლეს საბჭოს განსახილველად წარედგინება ბიუჯეტის პროექტის შესაბამისი ავტონომიური რესპუბლიკის პრიორიტეტების დოკუმენტი.

3. ავტონომიური რესპუბლიკის რესპუბლიკური ბიუჯეტის კანონის პროექტი უნდა შეიცავდეს არანაკლებ შემდეგ ინფორმაციას:

ა) ავტონომიური რესპუბლიკის რესპუბლიკური ბიუჯეტის ბალანსს საბიუჯეტო კლასიფიკაციის მიხედვით;

ბ) რესპუბლიკური ბიუჯეტის შემოსულობებს, ნაშთის ცვლილებას და თითოეული მხარჯავი დაწესებულებისათვის გათვალისწინებული ასიგნებების მოცულობას საბიუჯეტო კლასიფიკაციის შემდეგი ჯუხლების მიხედვით: (15.12.2011 N 149-უ.ს.შ.ს.)

ა.ა) ხარჯები, მათ შორის, შრომის ანაზღაურების მიზნით გამოყოფილი ასიგნებები;

ა.ბ) არაფინანსური აქტივების ზრდა; ბ.გ) ფინანსური აქტივების ზრდა; ბ.დ) ვალდებულებების კლება;

ა) მხარჯავი დაწესებულებებისათვის გათვალისწინებული ასიგნებების მოცულობას ხარჯების და რაფინანსურ აქტივებზე ოპერაციების ფუნქციონალური კლასიფიკაციის მიხედვით; (15.12.2011 N 149-უ.ს.შ.ს.)

დ) რესპუბლიკური ბიუჯეტის პროფიციტის ან დეფიციტის მოცულობას; (15.12.2011 N 149-უ.ს.შ.ს.)

ე) რესპუბლიკური ბიუჯეტის ასიგნებების მოცულობას პროგრამული კლასიფიკაციის მიხედვით; (15.12.2011 N 149-უ.ს.შ.ს.)

ვ) სარეზერვო ფონდის მოცულობას; (15.12.2011 N 149-უ.ს.შ.ს.)

ზ) პრიორიტეტებს, რომელთა ფარგლებშიც მხარჯავი დაწესებულებები რესპუბლიკური ბიუჯეტის დაფინანსებით ახორციელებენ პროგრამებს/ქვეპროგრამებს, მათ აღწერას და მიზნებს. (15.12.2011 N 149-უ.ს.შ.ს.)

4. წლიური საბიუჯეტო კანონის პროექტის თანდართული მასალები მოიცავს:

ა) რესპუბლიკური ბიუჯეტის პროექტის განმარტებით ბარათს, რომელიც შეიცავს ინფორმაციას ფისკალური მაჩვენებლების პროგნოზების შესახებ; (15.12.2011 N 149-უ.ს.შ.ს.)

ბ) მიმდინარე წლის ავტონომიური რესპუბლიკის რესპუბლიკური ბიუჯეტის შესრულების მოკლე მიმოხილვას;

გ) წლიური საბიუჯეტო კანონის ამოქმედებისათვის საჭირო საკანონმდებლო ცვლილებების პაკეტს. დ) დამატებით ინფორმაციას ბიუჯეტით განსაზღვრული პროგრამების/ქვეპროგრამების, მათი მოსალოდნელი შედეგებისა და შესრულების შეფასების ინდიკატორების შესახებ. (15.12.2011 N 149-უ.ს.შ.ს.)

ე) ინფორმაციას ამ კანონის მე-2 მუხლის „ბ1“ და „ბ2“ ქვეპუნქტებით გათვალისწინებული საჯარო სამართლის იურიდიული პირის/არასამეწარმეო (არაკომერციული) იურიდიული პირის მიერ საქართველოს კანონმდებლობით ნებადართული ნებისმიერი წყაროდან მისაღები შემოსულობების, ამ წყაროებიდან გასაწევი გადასახდელების და ნაშთის ცვლილების შესახებ. (14.05.2015 N127-უ.ს.რ.ს.)

5. ამ მუხლის მე-3 პუნქტში მოცემული ინფორმაცია, გარდა იმავე პუნქტის „ზ“ ქვეპუნქტით გათვალისწინებული ინფორმაციისა, წარდგენილი უნდა იყოს გასული, მიმდინარე და დასაგეგმი საბიუჯეტო წლებისათვის. (15.12.2011 N 149-უ.ს.შ.ს.)

6. ამ მუხლის მე-3 პუნქტის „ზ“ ქვეპუნქტით გათვალისწინებული ინფორმაცია წარდგენილი უნდა იყოს დასაგეგმი საბიუჯეტო წლისათვის და დასაგეგმისშემდგომი სამი საბიუჯეტო წლისათვის. (15.12.2011 N 149-უ.ს.შ.ს.)

7. ავტონომიური რესპუბლიკის რესპუბლიკური ბიუჯეტის კანონის პროექტი თანდართული მასალებით და ავტონომიური რესპუბლიკის პრიორიტეტების დოკუმენტი საზოგადოებისათვის ხელმისაწვდომი უნდა კახდეს უმაღლეს საბჭოში წარდგენისთანავე.

8. რესპუბლიკური ბიუჯეტის პროექტის თანდართული მასალები, გარდა ამ მუხლის მე-4 პუნქტის „გ“ ქვეპუნქტით გათვალისწინებულისა, მხოლოდ ინფორმაციული ხასიათისაა და არ მტკიცდება უმაღლესი აბჭოს მიერ. (27.02.2013 N 35-უ.ს.რ.ს.)

ი. ამ კანონის მე-2 მუხლის „ბ1“ და „ბ2“ ქვეპუნქტებით გათვალისწინებული საჯარო სამართლის იურიდიული პირებისა და არასამეწარმეო (არაკომერციული) იურიდიული პირების ბიუჯეტები მტკიცდება საქართველოს კანონმდებლობით დადგენილი წესით.

ლუხლი 39. რესპუბლიკური ბიუჯეტის შესრულების წლიური ანგარიშგება

1. ავტონომიური რესპუბლიკის ფინანსთა და ეკონომიკის სამინისტროს მიერ დადგენილი წესის შესაბამისად და დადგენილ ვადებში, მხარჯავი დაწესებულებები ამზადებენ საბოლოო ანგარიშებსა და ანგარიშგებებს, რომელთა საფუძველზეც ავტონომიური რესპუბლიკის ფინანსთა და ეკონომიკის სამინისტრო ამზადებს

რესპუბლიკური ბიუჯეტის შესრულების წლიურ ანგარიშსა და ანგარიშგებებს და წარუდგენს ავტონომიური რესპუბლიკის მთავრობას.

2. ავტონომიური რესპუბლიკის მთავრობა ავტონომიური რესპუბლიკის უმაღლეს საბჭოს საბიუჯეტო წლის დასრულებიდან არაუგვიანეს 3 თვისა წარუდგენს ავტონომიური რესპუბლიკის რესპუბლიკური ბიუჯეტის შესრულების წლიურ ანგარიშს. (10.02.2017 N31 -უ.ს.რ.ს.)

3. რესპუბლიკური ბიუჯეტის შესრულების წლიური ანგარიში მოიცავს წლიური ბიუჯეტის შესრულების შესახებ არანაკლებ შემდეგ ინფორმაციას: (15.12.2011 N 149-უ.ს.შ.ს. ამოქმედდეს 2014 წლის 1 იანვრიდან.)

ა) რესპუბლიკური ბიუჯეტის ბალანსს საბიუჯეტო კლასიფიკაციის მიხედვით;

ბ) საბიუჯეტო კლასიფიკაციის მიხედვით ბიუჯეტის შემოსულობებისა და გადასახდელების შედარებას შესაბამისი პერიოდის გეგმურ მაჩვენებლებთან;

გ) ბიუჯეტის ანგარიშებზე არსებულ ნაშთებს წლის დასაწყისისა და დასასრულისათვის;

დ) მხარჯავი დაწესებულებების პროგრამების მიხედვით დამტკიცებულ და დაზუსტებულ ასიგნებებს შორის შეუსაბამობის განმარტებას, თუ ასეთი შეუსაბამობა აღემატება 30%-ს;

ე) მხარჯავი დაწესებულებების პროგრამების მიხედვით დაზუსტებულ ასიგნებებსა და გადახდილ თანხებს შორის შეუსაბამობის განმარტებას, თუ ასეთი შეუსაბამობა აღემატება 15%-ს;

ვ) ინფორმაციას სარეზერვო და წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდებიდან (ასეთის არსებობის შემთხვევაში) სახსრების გამოყოფის მდგომარეობის შესახებ;

ზ) წლიური ბიუჯეტით დასახული პრიორიტეტების ფარგლებში მხარჯავი დაწესებულებების მიერ განხორციელებული პროგრამების/ ქვეპროგრამების აღწერას და მიღწეულ შედეგებს.

თ) ამ კანონის მე-2 მუხლის „ბ1“ და „ბ2“ ქვეპუნქტებით გათვალისწინებული საჯარო სამართლის იურიდიული პირებისა და არასამეწარმეო (არაკომერციული) იურიდიული პირების ბიუჯეტების შესრულების წლიურ მაჩვენებლებს. (14.05.2015 N127-უ.ს.რ.ს.)

4. ავტონომიური რესპუბლიკის უმაღლესი საბჭო საგაზაფხულო სესიის დასრულებამდე იღებს გადაწყვეტილებას ავტონომიური რესპუბლიკის რესპუბლიკური ბიუჯეტის შესრულების წლიური ანგარიშის დამტკიცების ან დაუმტკიცებლობის შესახებ. რესპუბლიკური ბიუჯეტის შესრულების წლიური ანგარიშის ავტონომიური რესპუბლიკის უმაღლეს საბჭოში განხილვა და გადაწყვეტილების მიღება ხორციელდება საქართველოს კანონის „საქართველოს საბიუჯეტო კოდექსი“ და ავტონომიური რესპუბლიკის უმაღლესი საბჭოს რეგლამენტის შესაბამისად.

განმარტებითი ბარათი

„აჭარის ავტონომიური რესპუბლიკის საბიუჯეტო პროცესისა და უფლებამოსილების შესახებ“
აჭარის ავტონომიური რესპუბლიკის კანონში ცვლილებებისა და დამატებების შეტანის თაობაზე
წარმოდგენილ კანონპროექტთან დაკავშირებით

ა. ზოგადი ინფორმაცია კანონპროექტის შესახებ

ა.ა.) კანონპროექტის მიღების მიზეზები

„აჭარის ავტონომიური რესპუბლიკის საბიუჯეტო პროცესისა და უფლებამოსილების შესახებ“
აჭარის ავტონომიური რესპუბლიკის კანონი მოითხოვს დახვეწას, ცვლილებებისა და დამატებების შეტანას,
კერძოდ:

1. აჭარის ავტონომიური რესპუბლიკის უმაღლესი საბჭოს ერთერთი მთავარი ფუნქცია ბიუჯეტის დამტკიცება და მასში ცვლილებების შეტანაა, არსებული რეალობის გათვალისწინებით მთავრობის მიერ წარმოდგენილი ბიუჯეტის ისე მტკიცდება, რომ არ ხდება მოსახლეობის ჩართვა ბიუჯეტის განხილვისას, არ ხდება განსხვავებული აზრის მოსმენა და გათვალისწინება რეგიონისა და მოსახლეობის ინტერესების სასარგებლოდ;
2. მოქმედი კანონი არ ითვალისწინებს ბიუჯეტის კანონპროექტის მომზადებისა და განხილვისას მოსახლეობის ჩართულობის მექანიზმს;
3. მოქმედი კანონი არ ითვალისწინებს თვითმმართველობაზე გადაცემული თანხების მიზნობრივად ხარჯვისა და ანგარიშვალდებულების მექანიზმს;
4. ბიუჯეტის შესრულების ანგარიშის წარმოდგენისას არ ხდება პროგრამების შეფასების ინდიკატორების მიხედვით მიღწეული შედეგების შესახებ ინფორმაციის წარმოდგენა და მხოლოდ თანხების ხარჯვის სტატისტიკურ მონაცემებს მოიცავს;

ა.ბ) კანონპროექტის მიზანი;

წარმოდგენილი კანონპროექტი ხელს შეუწყობს:

1. ბიუჯეტის პროექტის მომზადების, განხილვისა და დამტკიცებისას მოსახლეობის ჩართულობას;
2. ბიუჯეტის გამჭვირვალების ზრდას;
3. თვითმმართველობაზე გადაცემული თანხების მიზნობრივ ხარჯვას;
4. ბიუჯეტის შესრულების ანგარიშის კვალიფიციურად წარმოდგენას;

ა.გ) კანონპროექტის ძირითადი არსი

მოქმედი კანონი არ ითვალისწინებს ბიუჯეტის პროექტის მომზადების, განხილვისა და დამტკიცებისას მოსახლეობის ჩართულობის მექანიზმს, წარმოდგენილი პროექტი იძლევა ამის შესაძლებლობას.

მოქმედი კანონი არ ითვალისწინებს თვითმმართველობაზე გადაცემული დახმარებების მიზნობრივად ხარჯვის მონიტორინგს და დაფინანსების შედეგების შეფასებას ხოლო წარმოდგენილი კანონპროექტი არეგულირებს ამ საკითხს.

ბიუჯეტის ანგარიშის წარმოდგენისას არ ხდება შედეგების გაზომვა და მხოლოდ თანხების ხარჯვის სტატისტიკური მონაცემების წარმოდგენა ხდება, წარმოდგენილი კანონპროექტი ითვალისწინებს პროგრამების შეფასების ინდიკატორების მიხედვით მიღწეული შედეგების გაზომვას და ანგარიშის წარმოდგენას.

ბ) კანონპროექტის ფინანსური დასაბუთება

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო

- კანონპროექტის მიღება არ საჭიროებს დამატებითი ხარჯების გამოყოფას.

ბ.ბ) კანონპროექტის გავლენა ბიუჯეტის საშემოსავლო ნაწილზე

- კანონპროექტის მიღებას არ ექნება გავლენა ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე

- კანონპროექტის მიღებას არ ექნება გავლენა ბიუჯეტის ხარჯვით ნაწილზე.

ბ.დ) სახელმწიფოს ახალი ფინანსური ვალდებულებები.

- კანონპროექტის მიღება არ წარმოქმნის ახალ ფინანსურ ვალდებულებებს.

ბ.ე) კანონპროექტის მოსალოდნელი ფინანსური შედეგები იმ პირობით, რომელთა მიმართაც ვრცელდება კანონპროექტის მოქმედება.

- კანონპროექტის მიღება არ იქონიებს ფინანსურ გავლენას იმ პირებზე, რომლებზედაც ვრცელდება აღნიშნული პროექტის მოქმედება.

გ) კანონპროექტის მიმართება საერთაშორისო სამართლებრივ სტანდარტებთან

გ.ა) კანონპროექტის მიმართება ევროკავშირის დირექტივებთან

- კანონპროექტი არ ეწინააღმდეგება ევროკავშირის დირექტივებს

გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან

- კანონპროექტი არ ეწინააღმდეგება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს

გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან და შეთანხმებებთან

- კანონპროექტი არ ეწინააღმდეგება საქართველოს ორმხრივ და მრავალმხრივ ხელშეკრულებებს და შეთანხმებებს

დ) კანონპროექტის მომზადების პროცესში მიღებული კონსულტაციები:

დ.ა) კანონპროექტის შემუშავებაში მონაწილე სახელმწიფო, არასახელმწიფო ან/და საერთაშორისო ორგანიზაცია (დაწესებულება), ექსპერტი, ასეთის არსებობის შემთხვევაში:

- აჭარის ავტონომიური რესპუბლიკის უმაღლესი საბჭოს ფრაქცია ერთიანი ნაციონალური მოძრაობას მიერ განხილული და მოწონებული იქნა კანონპროექტი.

დ.ბ) კანონპროექტის შემუშავებაში მონაწილე ორგანიზაციის(დაწესებულების) ან/და ექსპერტის შეფასება კანონპროექტის მიმართ, ასეთის არსებობის შემთხვევაში:

- კანონპროექტის შემუშავებაში აღნიშნულ სუბიექტებს მონაწილეობა არ მიუღიათ.

დ.გ) კანონპროექტის ავტორი:

- აჭარის ავტონომიური რესპუბლიკის უმაღლესი საბჭოს ფრაქცია ერთიანი ნაციონალური მოძრაობის წევრები: ელგუჯა ბაგრატიონი, გია აბულაძე, ასმათ დიასამიძე, გიორგი დიასამიძე

დ.დ) კანონპროექტის ინიციატორი:

- აჭარის ავტონომიური რესპუბლიკის უმაღლესი საბჭოს ფრაქცია „ერთიანი ნაციონალური მოძრაობა“



საქართველო აჭარის ავტონომიური რესპუბლიკის უმაღლესი საბჭოს აპარატი

ტელ: +995 (0) 32 228 54 48, ელ.ფოსტა contact@sca.ge, ბათუმი, ლუკა ასათიანის 37

01/07/2020
N 1098

1098-09-02-11-3-202007011039



აჭარის ავტონომიური რესპუბლიკის უმაღლესი
საბჭოს აპარატის საორგანიზაციო და
საქმისწარმოების დეპარტამენტის
უფროსს ბატონ გიორგი ბერიძეს

დასკვნა

„აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონში ცვლილებებისა და დამატებების შეტანის თაობაზე“ აჭარის ავტონომიური რესპუბლიკის კანონის პროექტის შესახებ
(N09-01-08/93, 16.06.2020 წ. ინიციატორი: უმაღლესი საბჭოს ფრაქცია „ერთიანი ნაციონალური მოძრაობა“)

აჭარის ავტონომიური რესპუბლიკის უმაღლესი საბჭოს რეგლამენტის 85-ე მუხლის პირველი პუნქტის „ბ“ ქვეპუნქტისა და 86-ე მუხლის მე-5 პუნქტის შესაბამისად, აჭარის ავტონომიური რესპუბლიკის უმაღლესი საბჭოს აპარატის იურიდიული და ადამიანური რესურსების მართვის დეპარტამენტის მიერ განხილულ იქნა „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონში ცვლილებებისა და დამატებების შეტანის თაობაზე“ აჭარის ავტონომიური რესპუბლიკის კანონის პროექტი.

წარმოდგენილი კანონის პროექტი შეესაბამება „აჭარის ავტონომიური რესპუბლიკის ნორმატიული აქტების შესახებ“ აჭარის ავტონომიური რესპუბლიკის კანონის მე-18 მუხლით გათვალისწინებულ მოთხოვნებს.

პატივისცემით,

ვაჟა ცეცხლაძე

დეპარტამენტის უფროსი

იურიდიული და ადამიანური რესურსების მართვის დეპარტამენტი

